


Efiri Titenani Russell M. Nelson ho



# Bere a Yereka Abọ Mu Akọ Anim

*Osamufọ atwere: Titenani Russell M. Nelson, a wọyii no sii ho se Yesu Kristo Asọre a Ewo ho ma Nna Edi Akyire Ahoteefọ Titenani a ọtọ so dunson wọ Ọpepon 14, 2018 no, de saa nsem yi maae wọ Ọpepon 16, 2018, bere a na wọreyi akwere firi Salt Lake Tempol dan ntoasọ mu. Osree se wọmfa ne nsem no nto dwa wọ saa kwan yi so.*

**A**nuanom mmarima ne mmaa, eye me ahohoahoa se meka mo ho anọpa yi. Nna nnan a atwam yi **A**yẹkọsisee ọbarima titire bi, Onyankopon nkọmhyeni—Titenani Thomas S. Monson. Nsem biara ntumi nkyere n'abrabo kẹseye, ne ne fe mu pẹpẹpẹ. Yen ayankofa bekọso asom me boọ daa na m'ani sọ deẹ ọkyerekyerere me. Afei ese se yede gyedie a esi pi hwe deẹ ewo daakye wọ yen Awurade Yesu Kristo mu, deẹ N'asore nie no.

Nnaan a atwam yi Asomafọ a wote ase no nyinaa hyiaa mu wọ Salt Lake Tempol abansoro dan no mu. Eho na wón nyinaa yee adwene baako, deẹ edi kan, se wọbe-gye Titenafọ a Wọdi Kan seesei no ato mu na, deẹ eto so mmieniu, se mensom se Asore no Titenani. Nsem ntumi nka sedee etee se menya me Nuanom—Anuanom a wokuta asofodietumi nsafoa a enam Nkọmhyeni Joseph Smith so asan aba saa bere yi mu nyinaa—de wón nsa gu me tiri so hye me sọfọ, yi me si ho se Asore no Titenani. Na eye ahodwiri a eye kronkron.

Afei ebeyee m'asadee se mehunu wón a Awurade asiesie se wọmmeye m'afotufọ. Nka meye den apaw Asomafọ Dummienu a wọaka, a medo wón mu biara no mu baa-nu pẹ? Meda Awurade ase yie se ọmaa me m'akoma mu

mpaebọ ho mmuaee. Meda Titenani Dallin Harris Oaks ne Titenani Henry Bennion Eyring ase paa se wọwọ ọpe se wone me besom se Fotufọ a Ọdi Kan ne deẹ Ọtọ so Mmieniu, ne nnidisọ so. Titenani Dieter F. Uchtdorf asan akọfa ne dibe a wọ Asomafọ Dummienu Kuo no mu. Ne nsa adi kan aka dwumadie akese bi dada a ọwọ ho nimdee sononko.

Mede obuo ne nidie kese ma ọne Titenani Eyring wọ wón som nwanwaso se afotufọ ma Titenani Monson. Wọaye animdefọ, atuhokye ne nkuranhye ankasa. Yede aseda kese ma wón. Wón mu biara wọ ọpe se ọbesom wọ baabi a wọbehia no kese.

Se Osomafọ a ọtọ so mmieniu wọ mpaninye mu no, Titenani Oaks nso beye Titenani wọ Asomafọ Dummienu Kuo no mu. Nanso, esiane ne fre wọ Titenafọ a Wọdi Kan mu ene Asore no nnidisọ nhyehyeee a ewo ho dada nti, Titenani M. Russell Ballard, a ọno na ọdi so wọ mpaninye mu no, begyina mu se kuo no Titenani. Titenafọ a Wọdi

**BOSOME BIARA TITENAFỌ A WỌDI KAN NKRANSEM NO WOREBETWA SO.**

**S**aa nkranssem yi beye Titenafọ a Wọdi Kan Nkranssem a wọkọ no dawuro bosome biara no, deẹ etwa to. Daakye no, Titenafọ a Wọdi Kan no ne yen bekye nkranssem a eho behia wọ Asore no akwan ahodo so, te se Asore magasin ne [LDS.org](https://www.LDS.org).

Kan no ne Dummienu no bekɔ apam ahunu Awurade apɛ-dee na yeapia N'adwuma kronkron no akɔ anim.

Yɛda mo ase ne mo mpaebɔ. Wɔbɔ ma yɛn wɔ wiase nyinaa. Da a ɛdi Titenani Monson wuda no akyi anɔpa, mfeɛnnan-abarimaa bi a ne din de Benson bɔɔ saa mpaɛɛ yi bi. Merekan ne maame krataa a ɔtwɛrɛ brɛɛ me yere Wendy fa baabi. Benson bɔɔ mpaɛɛ se, “Ɔsoro Agya, meda wo ase se Titenani Thomas S. Monson tumi hunuu ne yere bio. Meda wo ase ma yɛn nkɔmhyɛni foforɔ. Boa no ma ɔnnya akokoduro na wɔammɔ hu se ɔyɛ foforɔ. Boa no ma ɔnnyini, nnya apɔmudene ne ahooden. Boa no ma ɔnnya tumi ɛfiri se ɔwo asɔfodietumi. Na boa yɛn ma yɛnnye deɛ ɛyɛ.”

Meda Onyankopɔn ase ma mmɔfra a wɔtete sei ne awofɔɔ a wɔn ani bere, tu wɔn ho si ho wɔ teneneɛ mu, nya mmereɛ ma wɔn mma—se ɔwofoɔ, ɔkyerɛkyerɛni, ne asɔreba biara so adesoɔa duruduru, nso ɔfiri ɔpɛ mu som. Mekyerɛ se, mede ahobɛaseɛ da mo mu biara ase.

### Awurade Di Kan

Berɛ a yerebɔ mu akɔ anim yi, mesrɛ se dwene kwan fɛɛfe a Awurade fa so di N'Asɔre so ho. Se Asɔre no Titenani bi wu a, akyinnyeɛ biara nni deɛ aduru ne so se wɔfrɛ no ma ɔsom wɔ saa dibea no mu. Abatoɔ ne ntoabɔ biara nni mu, na mmom ɛnam ɔsoro nhyehyɛɛ nnidisɔɔ kwan bi a ɛyɛ komm, a Awurade Ankasa de asi ho.

Adekyɛɛ biara wɔ Ɔsomafoɔ som mu yɛ adesua da ne ahosiesie ma asɛdeɛ bebree a ɛwɔ n'anim. Ɔsomafoɔ som mfeɛ pii ansa na wafiri akonnwa kumaa so akɔ mpanin akonnwa so wɔ kanko no mu. Wɔ saa berɛ no mu, ɔno ara nya suahunu wɔ Asɔre no adwuma fa biara mu. Ɔsan behunu nnipa ahodoɔ a wɔwɔ asaase so yie, wɔn abakɔsem, amammerɛ, ne kasa, berɛ a dwumadie de no taa kɔ wiase nyinaa. Asɔre no mu mpaninnie nhyehyɛɛ kwan yɛ sononko. Mennim biribi foforɔ a ɛne no se. ɛnni se ɛyɛ yɛn nwanwa, ɛfiri se wei yɛ Awurade Asɔre. Ɔnnye nneɛma wɔ nnipa akwan so.

Masom wɔ Dummienu Kuo no mu wɔ Titenafɔɔ baanum a wɔatwam ase. Mahunu se Titenani biara nya adiyisem na ɔdi saa adiyisem no so. Awurade hyɛ, na ɔkanyan Ne nkɔmhyɛfoɔ berebiara, na Ɔbekɔso ayɛ saa. Awurade Di Kan Yɛn a wɔahyɛ yɛn asɔfoɔ se yɛnni Ne din kronkron no ho dansee wɔ wiase nyinaa bekɔso ahwehwe na yɛahunu Ne pɛ, na yɛadi so.

### Nante Apam Kwan no so

Afei, meka kyere Asɔreba biara se, nante apam kwan no so. Ahofama a wode bɛdi Agyenkwa no akyi berɛ a wo ne No yɛ apam na wodi saa apam no so, bebue pono ama honhom mu nhyira biara, ne akwanya a ɛwɔ ho ma mmarrima, mmaa, ne mmofra a wɔwɔ baabiara.

Se Titenanfoɔ a Wɔdi Kan foforɔ no, yɛpɛ se yɛfiri aseɛ, a awieɛ no wɔ yɛn adwene mu. Ne saa nti, yɛne wo rekasa nne firi tempol mu. Awieɛ a ɛno nti na yɛn mu biara pere no, ne se yɛbenya tumi wɔ Awurade fie, asɔ yɛn abusua ano, adi nokore ama apam a yɛyɛ wɔ tempol a ɛma yɛn kwan wɔ Onyankopɔn akyɛdeɛ keɛseɛ no ho—a ɛyɛ daa nkwa. Ayɛyɛdeɛ ne apam a yɛyɛ wɔ tempol no boa hyɛ yɛn abrabɔ, yɛn awareɛ ne yɛn abusua den, ɛne sɛdeɛ yɛtumi gyina berɛ a ɔtamfo no ba yɛn so. Wo sɔrɛ wɔ tempol ne asɛdeɛ a woyɛ wɔ ho ma wo nkorɔfoɔ a wɔawuwuo behyira wo, ama wo nkutahodie ne asomdwoeɛ a ɛkɔ nkan, na abɔ w'ahofama a wode nante apam kwan no so ho ban.

Afei, se woafiri kwan no so a, mede anidasɔɔ a ɛwɔ m'akoma mu nyinaa srɛ wo se san bra. Sɛdeɛ wo kodanna ne wo haw tee biara, bea bi wɔ ho ma wo wɔ mu, Awurade Asɔre. Wo ne awoɔntoatoasɔɔ a wɔnwoo wɔn mpo benya nhyira berɛ a wodane wo ho san fa apam kwan no so. Yɛn Agya a Ɔwɔ Soro dɔ Ne mma, na Ɔpɛ se yɛn mu biara san ba Ne nkyɛn wɔ fie. Wei yɛ Yesu Kristo Asɔre a ɛwɔ ho ma Nna ɛdi Akyire Ahoteɛfoɔ botaeɛ titire—se yɛbeboa ma yɛn mu biara asan aba fie.

Medɔ mo ankasa—ɔdɔ a awɔ ho mfeɛ pii a me ne mo rehyia, ne mo resom, na meresom mo. Yɛn soro ahyɛdeɛ ne se yɛbekɔ aman, mmusuakuo, kasa, ne nkorɔfoɔ nyinaa mu, aboa asiesie wiase ama Awurade Mmaeɛ a ɛto so Mmienu no. Yɛbeyɛ wei wɔ Awurade Yesu Kristo mu gyedie mu, yɛnim se Ɔdi yɛn kan. Wei yɛ N'adwuma ne N'Asɔre. Yɛyɛ N'asomfoɔ.

Mepae mu ka atuhokye a mewɔ ma Onyankopɔn, yɛn Onniawieɛ Agya ne Ne Ba, Yesu Kristo. Menim Wɔn, dɔ Wɔn, na mehyebɔ se mesom Wɔn—ɛne mo—mede me nkwa nna a aka nyinaa. Wɔ Yesu Kristo din Kronkron no mu, amen.